


B69
J3
V. 4
c. 1



19028
26754
2

INSTITUTIONES PHILOSOPHICÆ.

AUCTORE

FRANCISCO JACQUIER
*ex Minimorum Familia, primariarum
per Europam academiarum socio, in
lyceo romano, et in collegio urbano
de propaganda fide professore.*

AD USUM SCHOLÆ VALENTINÆ.

TOMUS IV.

Capilla Alfonsoina
Biblioteca Universitaria

VALENTIÆ:
APUD ILDEPHONSUM MOMPIÉ.
ANNO 1829.

53375
33312

E#46#29

B69

I3

V4



1080042604

Rafael García
83

Rafael Domingo García



FONDO BIBLIOTECA PÚBLICA
DEL ESTADO DE NUEVO LEÓN

AUCTOR LECTORI.

Ad eam tandem pervenimus Philosophiæ partem, quæ *Physica*, seu *Scientia naturæ* appellatur, præstantissimam sanè disciplinam. De hoc præclarissimo studio duas invenio omnino quidem injustas hominum opiniones. Alii huic studio unice addicti, totique, ut ita dicam, mancipati, in aliis disciplinis haud supra vulgus sapiunt, hanc solam, quam prostinentur, et amant, scientiam summopere prædicant, cunctaque præterea doctrinæ genera fastidiose contemnunt. Alii Physics studium tamquam incitum, et inutile arrogantes et temerare traducunt, imò velut prophanum proscribunt, et Ecclesiasticis viris vix concedendum. Primum opinionem, quæ quidem error est perniciosissimus, necesse non est, ut fusius refellam. Et certe nemo nescit, ad tria capita generatim revocari omnes quantum patent, humanas cognitiones. Dei enī, et animæ nostræ contemplatione, atque corporum, sive naturæ observatione studia omnia nostra continentur. Quod Dei contemplationem spectat, sacram scilicet Theologiam, equis aequalibus rerum estimator divinam hanc scientiam, scientiarum omnium reginam, et magistram ceteris omnibus disciplinis infinita laude non anteponat?

Ecquis etiam , nisi perditissimus homo , in cælum non feret sanctiorem illam disciplinam , quæ circa nosmetipsos versatur , quæ de moribus agit , quæ certiori , castiorique doctrina præclaris virtutibus animum excollit , atque ad honestatis , ad officii , ad religionis amorem traducit ?

Hæc quidem duo sunt divina omnino , et omnium longe utilissima studia , quibus ad durissimum omnis veritatis , scientiarumque omnium fontem D. O. M. et rerum maiestate , et morum sanctitate propriis accedere docemur , quoad humani generis patitur imbecillitas .

Nec tamen sua dignitate , et utilitate defraudari debet vera , et solida Physicæ ratio , in qua non infinitæ de voculis , atque nugis controversiæ disceptantur , sed , ut paucis multa complectar , quæ cælo , terra , marisque geri , atque administrari videmus , quantum pro ingenii nostris mediocritate licet , explicantur . Neque hæc ruda , et simplicitatis contemplatione , aut conjecturis inixa , sed accuratæ ratiocinatione , et captis saepius experimentis demonstrata . Fructuosissimam esse accuratorem hanc naturæ considerationem , eamque ad omnipotentis , ac perfectissimi auctoris cognitionem nos evehere , et ad divinas laudes excitare , si quis negaverit , is statim ex S. Scriptura auctoritate refelletur atque hanc Isaiæ reprehensionem audire merebitur cap. 5. vers. 12. *Opus Domini non respicit s, nec opera manuum ejus consideratis* Verum qui in contemplandis divinis operibus nullum tempus , nullam attentionem collocat ; is sane Physicæ pretium omnino ignorat , divinorumque operum gloriam , et majestatem obscurius intuetur ; atque ea de causa sit , ut aliqui rerum Physicarum nihil , aut parum studiosi alias quidem Phi-

losophiæ partes commendent ; Physicam autem aspernentur , in quo quidem non mediocriter peccare videntur . Quam autem sinistra sit , et temere concepta hæc opinio , ex ipsa rerum explicandarum serie melius quam sermoneullo licebit intelligere ; interim tamen singula harum institutionum capita percurrere , et doctrinæ utilitatem breviter , et dígito ut ita dicam , commonstrarere non abs re erit . Ab extensione , et impenetrabilitate Physices generalis initium facere solent plerique hujus disciplinæ magistri ; ego autem ab hac vulgari consuetudine aliquantulum deflectens , universales corporum vires , seu potius effectus primum explicabo , et vocabulorum , quibus nulla vis , nulla notio persæpe subjecta est , ambiguïtatem omnem clara , nitidaque definitione amoeri , curabo diligenter . Itaque vim *inertiae* , vires *centripetas* , et *centrifugas* , gravitatem , et *attractiōnem* accurate considerabo , utilissimum sane argumentum , quo cuncta prorsas naturæ effecta continentur . Hinc doctrina ordo postulat , ut effectus ipsos inde oriundos , æquilibrii scilicet , variorumque motum leges contemplemur . Ex his tandem veluti gradibus deducimur ad universales corporum proprietates , quæ Physicæ generalis meta sunt , ac terminus . Maxima sane voluptate afficiuntur adolescentum animi , quum tot admiranda acutissimorum hominum inventa cognoscant , quibus Physica maximum capít incrementum , et quamplurima ad usus vitæ excogitata . Hæc autem tot , tantaque commoda fusius declarare supervacaneum est , singulis enim capitibus sua adjungitor appendix , in qua uno veluti intuitu observare licebit , non quidem utilitates omnes , sunt enim innumerabiles , sed aliquas tan-

tum atque etiam in rebus Theologicis, quem quidem usum vix suspicantur aliqui. Hanc vero trandæ Physicæ rationem nemo, ut puto, improbabit, cum præclarissimi studi amorem studiosæ juventuti instillare possit, quantum uniuersique prævivendi instituto, et ratione licet; sua enim sunt diversis vitæ conditionibus officia, quibus deesse nefas.

Universalibus corporum proprietatibus in Physica generali explicatis, jam progrediendum est ad Physicam particularem, in qua varia specierum iudiciorum observantur, variaque species considerantur. Latissime quidem patet Physicæ particularis amplitudo, naturamque omnemque amplectitur; sed tot, tantaque scire datum non est mortalibus; in tam immensa rerum varietate Physicis pauca, ut ita dicam, delibare licet. A corporum fluiditate Physics particularis summam exordium; corporum fluidorum pressionem, motum, resistentiam explicabo. Ad fluida elastica deinde progressum faciam, aerisque proprietates considerabo. Jam rectus docendi ordo exigere videtur, ut luminis doctrinam, variasque affectiones statim subjungam. Ex his autem ad corpora cœlestia assurgam, doctrinamque astronomiam, et varias illius partes sedulo explanare conabor. Neque prætermittam, quæ cum Astronomia necessario vinculo conjuncta sunt, Chronologia, et Kalendarii elementa, variasque Cyclorum, et Periodorum rationes accurate demonstrabo. Ita autem tellus nostra cum cœlo colligata est, ut de Geographia sine Astronomia subsidio vix quidquam statui possit; itaque ex Astronomia ad Geographiam, et ut ita dicam, e cœlo in terram pedem referam. Igitur cum Astronomia stric-

te connecti debent Chronologia, et Geographia, quas Astronomiæ filias merito appellant aliqui. Explicata Geographia suadet ipsa rerum natura eque series, ut corpora illa, quæ in telloris superficie oculis nostris obversantur, primum consideremus; deinde vero ad ea, quæ in terræ gremio latent, descendamus: quare de animalibus, arboribus, plantis, metallis, fossilibus, aliisque id genus plurimis distincte sermo habebitur. Tandem quia ex ipsis terræ visceribus perpetuo avolant plurima, magna quidem varietate, effluvia, quæ in aerem sublata, varias constituent phænomenorum species; ea denique contemplabimur, quæ in aeris regione agnuntur, imbræ scilicet, grandinem, nivem, ventum, tonitrum, aliaque meteora, et Physicæ particulari, Deo juvante, finem imponeamus. Singulorum capitum utilitatem suo loco opportune adjungemus, ut factum est in Physica generali. Interea tamen, ut alia plurima omittam hujus doctrinæ emolumenta, quæ omnibus obvia sunt, unum hic attingere satis erit, quod nostris auditoribus Theologiae studiosis maximè convenit, Astronomiæ, et Cronologiæ doctrinam cum historia sacra, et propheta consociandam esse. Si quis indubiam vocaverit, excelentes de his rebus evolvat libros, suam in gratissimis etiam, magnique momenti controversiis, imperitiam, si ingenuus fuerit, fateri non dubitabit. Ceterum ex iis, quæ hactenus breviter attigi, satis intelligitur, quos mihi lectores velim eos scilicet Arithmeticæ, et Geometriæ elementis probe imbutos esse oportet. Ut autem præ manibus ea omnia habeant quæ ad nostras institutiones sunt necessaria, Arithmeticam, et Geometriam tali studio adornavi, ut nihil nimis, et nihil minus, quam ne-

cesser sit contineant. Verum aliud a studiosis adolescentibus maxime exoptarem, ut Arithmeticam, et Geometriam Logicam etiam studio præmitterent; etenim Arithmeticæ et Geometriæ principia ob firmam et perpetuam veritatis possessionem aptissima sunt ad mentis aciem expoliendam, Logicam naturalem perficiendam, rectamque methodum conciliandam.

Nec me reprehendat aliquis, quod hac nostra ætate, his cultioris, sublimiorisque Physices temporibus, minus difficiles institutiones tradere, et proponere audeam. De me quidem modeste, ut par est, sentio, non tamen nimis demisse, quod quidem sicutæ, et affectatæ, quod abhorreo, foret humilitatis. At in reconditioni Physica me omnino peregrinum, et hospitem non esse, demonstratum confido, et iis, quæ jam edidi operibus, et aliis, quæ apud me premo, possem confirmare. Verum doctos quidem se probant illi Physicæ magistri, qui intricatissima Physices theorematæ Tyronibus explicare, laborant: mea tamen sententia, rem faciunt non valde utilem; præsertim si frequentior sit auditorum numerus, et adolescentum mentes doctrinæ difficultate magis obrueret, quam erudire videntur.

Sed quidquid sit de nostrarum institutionum successu, meam saltem propensissimam voluntatem benigne et excipiant studiosi adolescentes; quorum utilitati hunc meum qualemcumque laborem sincere, et ex animo consecravi. Porrò ab iis hunc unam, solumque expetendum vehementer exopto operæ mæfructum, ut nempe utilissimum studium alacriter suscipiant, non quidem ad gloriam, et doctrinæ ostentationem, sed ad tuendam, insinuandamque Religionem. Neque tamen res-

puenda est doctrinæ fama, dummodo inde absit gloriæ, honorum, et lacri cupiditas. Persæpe enim feliciter contingit, ut vulgaris etiam, nec admundum sublimis rerum Physicarum cognitio apud gentes minus cultas, nominis splendorem, atque auctoritatem conciliet. Hac fortunatissima oblata occasione utendum est, et de religione sermones miscendi, hæ quidem honestæ sunt, et omnino licite artes; sed tamen præcedat morum, vitæque exemplar, atque enixè imploretur divinæ gratiæ auxilium; nam, ut ait S. Agustinus in epistola ad Sextum: restat, ut ipsam fidem, unde omnis justitia sumit initium, non, humano tribuamus arbitrio, nec ullis precedentibus meritis... sed gratuitum Dei donum esse, fateamur.

Antequam ex hoc sermone ad Physicam transitum faciam, monendum superest, pro majore commoditate, modo telluris motum, modo quietem à me adhiberi. Ceterum me obedire profiteor Sanctæ Romanæ Ecclesiæ, quæ sapientissime omnino prohibuit, ne hypothesis Copernicana tamquam Thesis defenderetur.

INSTITUTIONES
PHYSICÆ.
IN UNIVERSAM PHYSICAM
PROEMIUM.

CAPUT I.

De natura, et divisione Physices.

I.

Physica dicitur illa Philosophiæ pars, quæ corporis naturalis proprietates expendit. In hac autem definitione probœ notari debent verba *corporis naturalis*: quæ quidem apposite omnino dicta fuere, ut quæstiones plurimæ, quæ in Sacra Theologia opportunius tractantur, ad hanc divinam scientiam reserventur. Itaque quidquid in corporibus præter consuetum naturæ ordinem, et per miraculum contingit, Physicorum contemplationi, et disputationi subiacere non debet. Hinc Physica definiri etiam solet *Philosophia naturalis*, vel *scientia naturæ*.

II. Duplicis generis proprietates in corporibus generatim distinguntur. Aliæ sunt proprietates omnibus corporibus communes, quæ nempè de-

PROEMIUM CAP. I.

1

prehendantur in omnibus corporibus, quæ nostris experimentis, vel observationibus subjici possunt, atque ideo proprietates illæ dicuntur *universales*. Aliæ autem proprietates in certis dumtaxat corporum speciebus observantur. Rursus autem proprietates universales vel eadem in corporibus perpetuo manent, vel per gradus crescunt, atque decrescent, hoc est, ut loquuntur Scholastici, *suscipiunt magis, vel minus*. At primam proprietatem universalium classem pertinent extensio, impenetrabilitas, vis inertiae, mobilitas, quietis, et figure possibilis, sive ut vulgo dicitar, quiescibilitas, et figurabilitas. Ad secundam classem referuntur vis gravitatis, et vis attractionis; has enim vires juxta certam legem decrescere, demonstrabimus. Quod spectat proprietates speciales; eas scilicet, quæ certis dumtaxat corporibus convenient, has enumerare non licet; tot enim sunt, quot diversæ corporum species. Ad proprietatum illarum ordinem pertinent fluiditas, elasticitas, pelluciditas cet. Hic autem cavendum est, ne proprietates universales cum essentialibus confundantur; fieri enim potest, ut in corporibus certas perpetuo observemus qualitates, quæ tamen ad ipsam corporum essentialiam non pertineant. Itaque monendi sunt Studiosi Adolescentes, ut corporum proprietates, illorumque effectus accurate contemplentur; quæstiones autem Scholasticæ, quæ de proprietatibus essentialibus agitari solent, non multum current; ex his enim nihil, vel paucum utilitatis sperandum est; hojus moniti rationem explicabimus in Logica.

III. Pro duplicitate generis duplex est Physicæ pars. Alia est *Physica generalis*, quæ universales corporum proprietates considerat;